

նուաճումներ եւ ապրուստի թարմ դաշտեր գտնելու նպատակով: Ոյժի եւ բռնութեան ահարկու աստուածն է, որ դալիս է այս պայմաններում կապտելու առաջին դահլ պաշտելի երկնքում:

Յաջորդ շրջանը պատկանում է հերոսներին, հրաշագործ դիւցազներին, Հերակլի եւ Վահագնի նմաններին, որոնք սիրագործութեամբ եւ խիզախ արկածներով խոճորում են ժողովրդական ոգին համայնական դիտակցութեամբ, բարձրացնելով ցեղային կամ ազգային համերաշխութեան դրօշը:

Բնութեան աստուծու դերը պատերազմի աստուծու անցնելիս, նրան են անցնում նաեւ առաջին երբեմնեան զուգակցի մայր աստուծուհի մտերմութիւնը: Յետոյ Ափրոդիտէն Արէսից անցնում է Հերակլին, Իշթարը աշխատում է շահել Գիլգամէշի սէրը (Sensen, Das Gilgamesch Epos, VI Tafel):

Նրանց հետեւում է եւ մեր Աստղիկը, որ դառնում է Վահագնի տարիալին եւ «Վահագնի սենեակն» է նրա առանձնութեան տեղին:

VIII

Դիցաբանական եւ լեզուաբանական պատերը այսպէս ասած ճանկուտելով, հոս հոն կռուաններ որոնելով, աշխատեցինք բարձրանալ դէպի մեր հեռաւոր նախնիքների սրբավայրը, ուր պերճօրէն բազմած էին մայր աստուածուհին եւ իր անբաժան մտերիմը, երկնքի եւ երկրի երբեմնեան վեհապանծ տէրերը:

Որքան թանգ են մարդու համար մայր բնութեան բարիքները, նոյնչափ զօրեղ է նրբանց տնօրէն գերագոյն էակների հրապոյրը:

Թէ որքան խոր արմատներ է ունեցել ժողովրդական աշխարհայեացքում այդ հինաւուրց պաշտամունքը, կարելի է դատել նրանից, որ նրա հեռաւոր զոդանջը տակաւին այժմ հնչում է կենդանի միջավայրում հազարաւոր տարիների տարածութեան վրայից:

Փոքր Ասիայի հռչակաւոր Մեւրեի դերովիչները, յայտնի իրենց աղմկալից պարերով, որոնք ունին իրենց մենաստանը նաեւ Պոլսում, ոչ այլ ոք են, եթէ ոչ փոխզական մօր Կիբէլի եւ Ատիսի աւանդակիրները, նրանց Gallus կոչուած քրմերի խօսուն ուրուականները:

Դարձեալ մուսուլման շալստ-վալստ կոչուած արիւննուչտ արարողութիւնները բարե-

լոնեան վերապրումներ են Իշտարի եւ Թամուզի: Իսլամի թանճը եւ հեղձամղձուկ միտոլոգիա տր անգոր է եղել արամատախիլ անել հին պաշտամունքը, որ ի՞նչ արտասովոր տոկունութեամբ յարատեւել է, համակերպուելով արտաքուստ նոր միջավայրին:

Եղիտների կրօնը իր Մեւրիթ Թամուզով, որ մնում է դադանիք՝ չնայելով բոլոր եւ այլազան մեկնութեանց, թւում է մեզ, որ սերտօրէն կապուած է զոյգ աստուածութեան պաշտամունքի հետ: Մեւրիթ Թամուզը ուրիշ ոք չէ, եթէ ոչ ինքը Թամուզը, Իշտարի սիրելին: Thawuz-Thamuz: Այս տեսակէտից պէտք է կայ վերհայելու եղիտների մասին հաւաքուած նիւթերը, որ սակայն ներկայ խնդրիցս դուրս է:

Բերածս օրինակները ցոյց են տալիս, որ ամբողջ Առաջաւոր Ասիայում երբեմն տիրական պաշտամունքը պահել է իր վաղեմի շունչը հակառակ պատմական բոլոր հոգմերի եւ Հայաստանից արեւմուտք եւ հարաւ: Իրաւունք ունինք սպասելու, որ հայ միջավայրում եւս անհետ չպիտի կորչէին փշրուած սեղանի բեկորները:

Արդ՝ եթէ այդ սեղանի վրայ կանգնած հայեացք ձգենք հայ եկեղեցու սկզբնաւորութեան կապակից աւանդութիւնների եւ զրոյցների վրայ, դժուար չէ նշմարել հին դիցաբանութեան ցոլքերը սիրուած աստ եւ անդ:

Գրիգոր Լուսաւորիչ եւ Տրդատ Թագաւոր մի կողմից, սուրբ կոյսեր՝ Հովիտիմէ, Գայլանէ, Նունէ միւս կողմից, հայ կրօնական վերանորոգութեան այդ սրբազան պատկերները իրենց բարձր հեղինակութիւնն ու սրբութիւնը պարտական են ոչ միայն իրենց մարտիրոսական արեան, այլ թւում է թէ մասամբ եւ այն դարաւոր թանկագին յուշերին, որ հին պաշտամունքից անցել է նրանց: Անբնական զրոյցներն եւ առասպելներն այնպէս են մթազնել Լուսաւորչի եւ նրա գործակիցների կեանքը, որ նրանց պատմական իրական դիմագծերը խեղդուած են կամ հաղիւ նշմարելի թանճը մշուշի մէջ:

Մի՞թէ անպատասխանատու երեւակայութեան, պատմիչի կրօնական յափշտակութեան արդիւնք են դրանք: Բայց երեւակայութիւնն անգամ սնում է իրական կեանքով եւ նրա